



天台山方外志卷第九

神僊考第十



天台山古稱神僊窟宅道書指赤城爲玉京洞天乃十大洞天之一茅司命所治其下別有洞臺方二百里魏夫人所治南馳縉雲北接四明東距溟渤西通剡川桐栢山號金庭洞天王子晉所治之處中有日月三辰之精光燭洞天金臺玉室瑤花芝草等物可以修鍊金丹故好道之士皆依棲焉夫神僊之界絕於人境惟有僊

緣者得以見之。若劉阮之逢僊女，可交之遇。至人自古及今，能幾人。斯然劉阮踪蹟，道家傳談以爲盛事。而或者以神僊絕欲無婚配事，難之而道士卒無以自解。不知僊者同於欲界，雜於地居進於人而劣於天，而欲界六天尚未出欲矧神僊乎。第欲情漸薄，與人爲異。故經云六受欲交抱執手笑視媠，以次推輕重。可知神僊之欲輕於人而重於天，又可知也。而儒者陸可大又以費禮刺之，其詩有云：古來賢潔羞自媒，神

僊往往非凡胎。劉晨阮肇如有道，詎肯費禮媠。

天台

云云

此不獨欲以方內之教以繩方外，且又

欲以儒禮而訓神僊矣。不知彼有僊緣，緣卽良媒。若董永之孝感而天帝妻之，以僊女董以天爲媒。安知劉阮不以僊爲媒乎。禪者或又曰：若如子言，則宋景祐中護國寺僧明照亦見此物。照卽叱曰：山鬼伎倆，復欲魅道人耶。言已卽隱。此復云何。余對曰：學佛與學僊異。學僊者惟恐不得見相學佛者惟恐着相。尚不着佛而求矧

着僊乎。雖一切不着。亦不固謂之。無此三教之道。用之所以為異也。然溪山窮谷之中。千年木石。每為鬼物所附。其變幻詭異。徃徃惑人。在在有之。此不可不辯。而求僊者。又不可不知也。舊志所書僊。凡混淆。今為兩門。先神僊。次道士。若寒山拾得。則已書於聖僧志中。以非僊類。故也。

神僊

軒轅黃帝

神僊體道通鑑云黃帝嘗往天台山受金液神丹

商伯夷叔齊

道書稱二子為九天僕射治桐栢山今桐栢觀有二石像鑄製奇

古體色溫潤或云王靈寶請之徽宗宮中然無所據

周彭宗

字恣先師柱冲真人授丹經五千文守一之道嘗有神燈浮空映席五色雲霞

臨繞能三晝夜通為一息或自沒水底竟日方出若瞑目僵卧輒一年許不動塵委其上積厚如帛能以一氣誦五千文通為兩遍氣禁蛇虎亦能禁凶人使手足不覺自拘或使幽靈擊之年一百五十歲常如二十年少周厲王丙申太上遣僊官下迎為太清真人治赤城宮

王喬

字子晉靈王太子好吹簫作鳳鳴浮丘公接以上高高三十餘年後人求之不得偶

見亘良曰告我家人七月七日待我於緱氏山至時果見喬乘白鶴而去道家稱為右弼真人治桐栢山掌吳越水旱五代時封元弼真君宋政和三年封元應真人紹興庚申加

號善利廣濟真人台之寺院奉為護伽藍
神蓋一方土地主也事蹟具見靈異考

控鶴僊人

天台山元靈老君華真僊師遣第七
僊子名屬仁乘雲駕鶴遊歷武夷山

安排地僊見張湛等各名有僊分乃遣何鳳兒
往天台山取籍檢視僊籍各有姓名乃安排

魏王而下十
三人同居此山

西漢茅盈

字叔申少秉異操天才穎燁十八棄
家遇西城王君告以玉佩金璫之泐

玄迹渺邁白日神僊乘飛步虛越波凌津靈
官奉從着於民口節羗旌旗光耀天下並教

二弟茅固茅衷上道三神乘鶴各治茅山盈
與王君俱去到赤城玉洞蒞司命之任出入

太微受事
太極也

李奉僊

東蜀人自幼不語年十八常欲寒栖以
避臭茹人問之曰知白守黑道貴昏默

我師南岳公云吾周靈王太子吹笙者也今
授于朱綱之泐將并度南宮吾師浮丘公授
予今付于子子宜勤守若更此生萬劫不度
吾將為南岳司命侍帝晨又補桐栢真人言
訖遂隱漢宣
帝詔不起

東漢劉晨阮肇

漢永平五年剡縣劉晨阮肇共
入天台山迷不得返經十三日

糧盡饑餒殆死遙望山上有一桃樹太有子
實永無登路攀緣籐葛乃得上各啜數枚而

饑止體充復下山持杯取水欲盥嗽見蕪青
葉從山腹流出甚鮮新復一杯流出有胡麻

飯糝便共沒水逆行二三里得度山出一
大溪邊有二女子姿質妙絕見二人持杯出

僊笑曰劉阮二郎捉向所失流杯來晨肇既
不識之緣二女子僊呼其姓如似有舊乃相

見而悉問來何晚因邀還家其家銅瓦屋西
壁東壁下各有一大牀皆施絳帳四維帳角

懸鈴金銀交錯牀頭各有十侍婢勅云劉阮
二郎經涉山岨向雖得桃實猶尚虛可速作
食食胡麻飯山羊脯牛肉甚美食畢行酒有
一羣女來各持五三棗子笑曰賀汝婿來酒
酣作樂暮令各就一帳宿女就之言聲清婉
令人忘憂遂停半年氣候草木是春時百鳥
啼鳴更懷悲思求歸甚苦女曰罪使君思家
當可如何遂呼前來女子有三十人集會
奏樂共送劉阮指示還路既出親舊零落邑
屋敗異無相識問訊得七世孫傳聞上世入
山迷不得歸至晉太元
八年總復去不知何所

王思真

王思真者位為太上侍經僊郎漢靈帝
光和二年巳未正月一日太上老君降

於天台山命思真披九光之韞書洞玄太
洞等經三十六卷以授太極左僊公葛玄

張皓

字文明汝南人漢安帝永初中遇封衡授
以青要紫書金根上經及神丹半兩從而

戒之曰勤則得之替則失之皓俯伏受命入
赤城山服丹行道久之耳能洞聽目能徹視
常有學者迫來訪之則或為白鶴或為飛雲
搏空遊虛隱沒莫見至魏明帝太和初登真

陰長生

受太上之命往赤城

吳葛僊公

名玄字紫先道士支道紀夢通玄真
人從大羅天降生十八九歲僊道漸

成入天台赤城精思念道遇左元放授以九
丹金液僊經効鬼秘法三元真一妙經行持
三年廣積功效光和二年正月朔感太上老
君勅真人徐來勤等同降于天台授靈寶經
三十六部及上清齋法二等并三籙七品齋
法今桐栢有法輪院三真降經之處及僊公
役鬼所築受誥壇存焉又得分形萬化之術
靈感應變之法道成乃于天台山立壇授道
微五岳真形尚曰吾昔受左元放先生今付
於汝後玉帝三頒錫命服閣皂煉成之丹聞

幽溪詩堂
五
僊樂嘹唳旌幢翳天坐入景琅輿僊童玉女
左右衛迎白鶴繞空冉冉而舉位為太上玉
宗太極左
宮僊公

晉袁根栢碩

剡縣人因驅羊度赤城山忽有石
門豁然見二女方笄遂為室家後
謝歸女以香囊遺之根後羽
化碩年九十餘見搜神記

班孟

是女子能飛行服酒餌丹年四百歲色如
少女能飛行坐虛空之中與人談語又能
入地中初沒足漸至腰及胷髻良久而盡沒
不見又以指刻地即成井可汲指人瓦屋即
飛嘗取人桑果數千株聚之如山十餘日吹
之各還其本處如故又能含墨水噴紙成文
字皆有意義後入天台山僊去
事出僊苑編珠或訛大冶山云

魏夫人

名華存西王母降之授以玉清隱書三
十餘真名歌陰歌陽歌之曲王母為之

和上元夫人亦答歌王母及上元夫人紫陽
左僊公太極僊伯清虛王君乃携華存同去

東南行俱詣天台山洞宮玉宇之
下衆真皆從王母昇還龜臺矣

王玄甫

沛人也同吳人鄧伯元學道於赤城受
服青精飯吞日精丹景之沁內思洞房
積三十四年乃內見五臟冥夜中能書穆帝

永和元年正月十五日天帝遣羽車迎之與
鄧伯元垂雲駕龍白日昇天為中岳真人

許邁

字叔玄句曲人也入懸壺山改名遠遊服
術黃精感太乙真人定錄茅君授上法後
移赤城遇王世龍受解束反行之道服玉液

朝腦精三年之中面有童顏後度世東宮為
地僊
中品

羊愔

兄忻為台州樂安令遊阮郎亭崖上有字
世傳阮肇題愔醉亭畔七日方醒夢入洞

遇靈英食青靈芝百節俱輕自括蒼
往天台一日可到日行三四百里

梁徐則

道士徐則者東海剡人入縉雲山修道
太極徐真人降謂曰汝出八十當為王

者師然後得道因廬天台山絕粒養活所資
惟松水而已梁武帝詔講道要徐陵欽其風
致晉王廣召問道法謂門人曰吾今年八十
一王召我徐真人之言驗矣既至則辭以日
時不利至五更寂然返真王命僕送還天台
是日江都人或見師徒步云得還返至舊隱
令弟子掃一室曰有客至宜延之於此有
頃跨石梁而去翌日果樞至方知其異

唐王遠知

天台道士也其母夢靈鳳有娠僧寶
誌曰生子當為神僊宗伯年七歲日

覽萬言十五入華陽事陶貞白授三洞正一
法潘師正是其入室弟子而司馬承禎則師
正弟子也遠知善易知人死生禍福作易捨
十五卷一日雷雨雲霧中老人叱之曰汝所

著書何在上帝命吾攝六丁雷電追取遠知
方懼傍有衣青衣人已捧書立矣老人責曰
上方禁文自有飛天保衛金科秘於玄都汝
何敢輒藏緗帙遠知對曰青丘之老傳授老
人曰上帝勅下汝僊品已及受度期展四年
之紀數也又以小時誤傷一童子唇不得白
日昇天署少室僊伯將行沐浴焚香而化年
一百二十六歲後於東海借迅風與人飛渡
至登州

司馬承禎

字子微洛州溫人事潘師正傳辟穀
導引術遍遊名山唐武后嘗召之未

幾去與陳子昂王維李白孟浩然賀知章盧
藏遠宋之問王適畢構為僊宗十友睿宗復
迎至京師訪以治道曰游心於淡合氣於漠
與物自然而無容私焉則天下治帝嘆詠曰
廣成之言何以加此辭歸天台盧藏遠指終
南山曰此中大有佳處何必天台對曰以僕

觀之乃仕宦之捷徑爾盧初隱終南後登朝
聞言殊有慚色女貞有名焦靜貞者泛海詣
蓬萊求師至一山見道者指言曰天台山司
馬承禎名在丹臺身居赤城爾良師也靜貞
既還詣承禎求度未幾昇天嘗降人間謂薛
季昌曰司馬先生得道高於陶都水之任當
為東華上清真人開元中文靖天師與承禎
赴長生殿千秋節齋直中夜行道畢隔雲屏
各就枕斯須忽聞小兒誦經聲玲玲如金玉
響天師乃褰裳躡步而窺之見承禎額上有
小日如錢光耀一席逼而聽之乃承禎腦中
之聲也天師還謂其徒曰黃庭經云泥丸九
真皆有房方圓一寸處此中又云左神公子
發神語其先生之謂乎一日謂弟子曰吾于
玉霄峯東望蓬萊有靈真降駕今為東海小
清童君東華君所召必須往俄頃化去如蟬
蛻弟子奠其衣冠焉時年八十有九玄宗親
撰碑文有修真秘旨天地宮府圖坐忘論登

真系等書行於世詔贈銀
清光祿大夫諡正一先生

陳世安

京兆人好道遇僊白日昇
天治小台山見捻僊傳

謝自然

華陽女冠幼而入道慕南岳魏夫人之
操至天台從同馬子微學道後白日僊

去事見
續僊傳

汪子華

字時美三舉不第嘆曰年逾不惑不登
仕版何面目見朋友乎遂與顏真卿同

承禎丹成道脩貞元五年白日昇天

李元

開元間嘗遊華山採藥忽一日騎白鹿謂
山下人曰我今遊天台有三老人遮道留

之不可見王
簡凝僊傳

王可交

蘇州人嘗棹舟入松江中流見蓋舫有
道士七人皆王冠霞帔一人呼可交與

二粟命黃衣送上岸且令合眼泊開眼已失黃衣但見峯巒中松柏參天問之乃天台山瀑布寺前也自是不食後挈妻子入四明山不復出具見靈異考

許碣

少為進士晚學道常歷天台於懸崖人不後揷花滿頭醉歌昇雲而去

王旻

不知何許人天寶中賜號太和先生有姑亦得道年七百歲往來天台貌如嬰孩見

夏侯隱

不知何許人大中末遊天台獨止一室或露宿草樹間每登山渡水則閉目而

月光童子

巨鰲記云有人誤入嵩高山見東南大巖下石孔中入有大宮闕自然明

五代呂洞賓

燭與日月無異有六僊人云月光童子在天台往來此中非有道不得見又見總僊記

迴夜靜雲開鶴未回欲度有緣人換骨暫留踪跡在天台宋紹興間一丐者負其母歌於

帝但云只兩口既久詢羣丐所聚則無是人一日到台州出崇和門至泉井岸擲其母于

厲歸真

於水墨見屋壁即畫鵲時人不知其得道也以天祐三年十一月于河中府中條山

白日冲天告時人曰吾本台州府唐興縣人有弟在彼脫下破布衫服星簪羽

宋張伯端

天台人字平叔少好學晚傳混元之道而未備孜孜訪問遍歷四月後遊

蜀遇劉海蟾授金液還丹火候之訣乃改名
用成號紫陽能出陽神自謂得形神俱妙之
道歸以所得稗成秘訣八十一首號悟真篇
後世宗之稱為天台僊派年九十九歲跌坐
而化用火燒化得舍利千百大者如芡實色
皆紺碧至淳熨中其家蚤起見一道流踞上
席而坐叩其家事歷歷值其孫
他出而去人以為用誠之歸云

白玉蟾 得法於張伯端之再傳往還天台諸山
博洽儒書究竟禪理出言成章文不加
點用都天大雷之法祈禳輒應時言休咎驚
動聾俗嘗墮西湖遶尋不見逢旦則在水上
猶曠然也後尸
解於海豐縣

姜僊翁 牧牛山谷中夏爨招雲覆之旱則呼雨
多着神異後坐化人以其真骨塑像見
存豐饒坑廟早
潦有禱必應

沈僊翁 歲旱遇人曰請我以辰酒必雨果如其
言子小僊翁靈異如父併塑于尖山廟
道士

東漢劉根 字君安長安人隱永嘉飛霞洞嘗至
天台赤城訪紫極君見僊家雜記葛
洪神
僊傳

晉白雲先生 洞天福地記靈墟乃白雲先生隱
處世說載王右軍得筆法於白雲
先生又按野史辯才云右軍作蘭亭記三百
七十五字始夢天台子真傳授筆訣以永字
為法云其後司馬
子微亦號白雲子

梁夏馥 字子治陳畱人入桐栢山遇王真人授
以黃水雲漿之法今在洞中為明晨侍
郎見陶弘
景真誥

褚伯玉

錢塘人也年十六家為娶婦乘車而入先生踰垣而出隱於天台中央二十年樵人見之在重巖之下顏色怡怡左右惟不有松屑二裹由是遠近知之齊高帝徵之不起乃移居大霍山僊去

葉洽善

字道元松陽人七歲溺於江中三年不還父母問其故曰青童引我飲以雲漿朝於太上太上領而留之自僊府還已有役使鬼神之神術年十五中毒殆死見青童曰天台苗君飛印相救於是獲蘇開元初為銀青光祿大夫鴻臚卿封越國公克景隆觀主嘗於上元夜引玄宗於西涼府觀燈又嘗因八月望夜與玄宗遊月宮聆月中天樂顯慶中奉命修黃籙齋于天台山桐栢觀顯跡甚多

唐甘泉先生

不知何許人隱華頂峯頻詔不起開元十六年元宗特於王屋山置

臺觀以居之

吳筠

字正節通經義美文詞入嵩山依潘師正究其術南遊天台觀滄海與有名士相娛樂明皇召問每開陳皆名教世務後復少剡中忽焚香返真

賀知章

字季真會稽人按許鼎撰通和先生祖貫碑云貫學黃老初賀監得攝生之術負笈賣藥數百年不灰後於天台山昇僊見高道傳知章見唐書隱逸傳亦嘗棄官入道昇僊之說恐未必然

田虛應

字良逸薛李昌以上清大洞洽授之潭州早蓬髮至無言而雨降久雨不止默然岸幘而坐即霽元和申入天台不復出憲宗詔不起神人持金爐降詔因羽化

馮惟良

字雲翼師田虛應元和中入天台元積聞其風而悅之桐栢觀正一先生完葺

卷之三

天台山志卷之三

七

以來湮廢之久惟良乃再締構作上清室降
真堂白雲亭脩閑亭遠復正一先生之迹以
三洞之道行於江表憲宗詔不起一日沐
浴冠簪降庭若有所對召湏臾陞階遂化

吳善經

縉雲僊都山人年十七為道士遍登匡
廬天台三茅元和甲午年八月十三羽

化詳見權德輿太清
三洞法師吳先生碑

應夷節

字適中汝南人也唐明皇開元中高士
應疑之曾孫七歲詣蘭谿靈瑞觀出家

年十三與道士藉久之遊天台龍虎山受正
一紫虛都功等錄而後復受昇玄上清回車
畢道及紫文素帶藉地騰天符且上清大
自陶隱居傳王遠知王傳潘先生潘傳司馬
諫師司馬傳薛李昌薛傳田良逸田傳馮惟
良馮傳夷節也師行之精勤故動有神靈之
助唐武宗會昌中就天台桐栢觀之西南別
建淨壇以居觀察使李褒問來問道因奏請

院額因詔以道元為名拾遺張頴撰記公卿
以師名奏聞詔賜服號固辭回詔宗乾寧中

忽一日沐浴入靜疑神如有所待至翌
日昧爽解化及遷神就空但空棺而已

間丘方遠

字大方舒州宿松人也幼而辯慧年
十九問大丹於香林左元澤復詣僊

都山隱真巖事劉處靜學修真出世之術三
十四歲受法籙於天台玉霄宮葉藏質真文

秘訣盡蒙付授而方遠守一行氣之暇篤好
子史羣書每披卷必一覽之不遺於心常自

言葛稚川陶貞白吾之師友也銓太平經為
三十篇備盡樞要其聲名愈播於江淮間唐

昭宗景福二年錢塘彭城王錢鏐深慕方遠
道德訪於餘杭大滌洞築室宇以安之昭宗

累徵之竟不赴召乃降詔褒異就頒命服俾
耀玄風賜號妙有大師玄同先生闡揚聖化

啓發蒙昧真靈事跡顯聞吳楚由是從而學
者無遠不至天復二年二月十四日沐浴焚

香端拱而坐俟亭午而化顏色怡暢屈伸自
遂與香芬馥三日不散弟子以從俗葬舉以
就棺但空衣而尸解矣葬於大滌洞之傍白
鹿山後有道俗於僊都山及廬山累見之自
言我捨大滌洞歸
隱滌山天柱源也

左玄澤

永嘉人介不隨俗居玉霄峯三年絕
粒不語常制真一頌見赤城志又按續
志載左同仁云即前志玄澤也師徐徵君常
遊山經旬不返樵者見與三虎坐不食五穀
後尸解見
捨僊傳

陳惠虛

河東人為僧居國清寺嘗與同侶遊石
橋遇異人自此慕道晚歸終南山遇一
老叟遺以大丹服之昇天而
去見僊傳拾遺具見靈異考

陳寡言

字太初隱於玉霄峯號曰萃林天台科
汰有闕遺者拾而補之惟傳度弟子有

劉介者就萃林請教奉几杖香火凡二十
盡寡言之道寡言將尸解謂劉介曰當盛我
以布囊致石室中慎勿以木為也又以詩示
其徒曰我本無形暫有形偶來人世逐營營
輪迴債負今還了搔首索然歸上
清洲有詩十篇舊在天台道元院

徐靈府

號默希子錢塘天台雲蓋峯虎頭巖石室中
於名利居天台雲蓋峯虎頭巖石室中
凡十餘年絕粒久之凝寂而化享年八十二
著玄鑑五篇詮通玄真經十二篇及撰天台
山記三洞要畧
寒山子集序

葉藏質

字含象處州松陽人汰善之裔也詣天
台馮惟良授三洞經籙於玉霄峯選勝
創道齋號石門山居日誦道德度人二經晚
年猶精符術請之者如織婺州牧為邪物所
撓詣請符至中路犯以忌穢失之牧親造見
案上有封筒封檢甚固乃前之符也因焚香

香端拱而坐俟亭午而化顏色怡暢屈伸自
遂異香芬馥三日不散弟子以從俗葬舉以
就棺但空衣而尸解矣葬於大滌洞之傍白
鹿山後有道俗於僊都山及廬山累見之自
言我捨大滌洞歸
隱滌山天柱源也

左玄澤

永嘉人介不隨俗居玉霄峯三年絕
粒不語常制真一頌見赤城志又按續
志載左同仁云即前志玄澤也師徐徵君常
遊山經旬不返樵者見與三虎坐不食五穀
後尸解見
捨僊傳

陳惠虛

河東人為僧居國清寺嘗與同侶遊石
橋遇異人自此慕道晚歸終南山遇一
老叟遺以大丹服之昇天而
去見僊傳拾遺具見靈異考

陳寡言

字太初隱於玉霄峯號曰華林天台科
汰有調遺者拾而補之惟傳度弟子有
劉介者就華林請教奉几杖香火凡二十年
盡寡言之道寡言將几
以布囊致石室中慎勿以木為也又以詩示
其徒曰我本無形暫有形偶來人世逐營營
輪迴債負今還了搔首索然歸上
清別有詩十篇舊在天台道元院

徐靈府

號默希子錢塘天台目山人通儒學無冀
於名利居天台雲蓋峯虎頭巖石室中
凡十餘年絕粒久之疑寂而化享年八十二
著玄鑑五篇詮通玄真經十二篇及撰天台
山記三洞要畧
寒山子集序

葉藏質

字含象處州松陽人法善之裔也詣天
台馮惟良授三洞經籙於玉霄峯選勝
創道齋號石門山居日誦道德度人二經晚
年猶精符術請之者如織婺州牧為邪物所
撓詣請符至中路犯以忌穢失之牧親造見
案上有封筒封檢甚固乃前之符也因焚香

致匣捧歸崇物遂絕唐懿宗優詔石門山居為玉霄觀忽命酒召其友應夷節同飲語及生平事然後告以行日及期題於門曰鷄鳴時去門人遂聞珠珮雜鼓樂聲于空中須臾鷄唱視之已化矣年七十四

杜光庭

字聖賓號東瀛子或云括蒼人為時巨儒唐懿宗朝與鄭雲叟賦萬言不遂入

道事天台山應夷節嘗謂道法科教自漢天師暨陸修靜撰集以來歲月綿邈幾將廢墜遂考真誥條例始末故天下羽禩永遠受其賜鄭畋薦其文於朝僖宗召見賜以紫服象簡充麟德殿文章應制為道門領袖當時推服中和初從駕興元道遊西縣適遇術士陳七子名休復灑然異之披榛穴地取瓢酒酌之曰以此換子五臟爾遊成都喜青城山曰雲溪氣象盤礴遂結茅居之溪蓋薛昌真人飛昇之地也一日忽謂門人曰吾昨夢朝上

帝以吾作岷峩主司恐不久於世時後唐莊宗長興四年年八十四歲一旦披法服作禮辭天陞堂跌坐而化顏色濫粹宛若其生異香滿室久之乃散蜀主王建初欲大用之為

張裕所沮賜號廣德先生又欲優於名秩以為諫議大夫封蔡國公進號廣成先生

劉方瀛

天台道士受天師劍法符籙嘗呪水愈疾咸通末卒見雲笈七籤

莫道士

不知何名孫仰有與天台莫道士書

劉處靜

自號天台耕人會昌中與葉藏質應夷節為林泉友見舊圖經

王文果

天台道士有詩集一卷見崇文總目

化石僧

天台山東有洞入十餘里有居人市肆多賣飲食乾符中有遊僧入洞經歷市

中饑甚聞食香買蒸餅啗之同行一僧服氣不食行十餘里出洞門已在青州牟平縣而

食僧俄
變為石

金柔

天台道士與刺史鄭冊為方外之友冊見
女僊三百餘人來迎與柔共入靜室禮拜
已揖柔向按不令閉四門跪拜再三少時
而逝形體柔軟顏色不變後柔亦得道

張雨

字伯雨年二十棄家遊天台諸山吳人周
大靜為許宗師弟子得楊許遺書外史師
事之遂傳正一之法隨主壽卿入京師吳間
開家師大喜焉受七十二家符篆于虞集嘗
作台僊閣記與薛玄卿章心遠毛伯玄相友
善而文字之交則虞揚袁范諸君也詩宗杜
古選類大曆間諸子文學昌黎而冷語類漢
人引敗筆點綴木石人物亦自賞適作字勁
健在陶貞白上葺黃篔樓衍在圖史甚富修
玄史尋山志山世集茅山志因號勾曲外史
年七十六化化後百餘年而所手營墓為居
人所發鋤擊陶器裂其腦容色如生面貯汰

書二帙發塚者取一帙示鄭太史環太史欲
併得全帙令其人且携書歸置市肆橫閣扇

側雷擊一聲失其書歸視腦亦
完好書二帙仍在其前驚掩之

朱霄外

郡人居天台崇道觀有題梁云吳越兩
街道統天台道門威儀悽真明德太師
通玄先生正一天師特進檢校太傅守太保

建外

宋王茂端

行上清大洞汰通真達靈事驗甚著
養母至百歲自年九十八清健不衰
人呼為靈寶其弟契真亦行大洞汰號小
靈寶所著靈寶教汰秘錄十卷留桐栢觀

張無夢

字靈隱號鴻濛子與种放劉海蟾結為
方外交事陳希夷先生多得微旨久之
遊天台登赤城廬於瓊臺觀行赤松導引安
期還丹之汰居十餘載詠修煉事題曰還元

篇夏英公獻于真宗召對令講易即說謙卦曰方大有之時宜守之以謙除著作郎不受復召講還元篇曰國猶身也心無為則氣和氣和則萬寶結矣心有為則氣亂氣亂則英華散矣此還元之大旨也上以歌一闋賜之還山令台州給著作郎俸以養老有黃白術秘而不言居瓊臺又十餘年後到金陵九十九歲終經三日頂中有白氣勃勃然出高三尺肢體柔軟指甲不青心胃尚暖有瓊臺詩集行世

皇甫坦

字履道遇朱棗推真人頂有珠光顯仁太后日疾夢見坦能醫坦南遊后令人

物色得之日明甄踊而行為布氣即釋踊留一扇禁中患瘡者用之皆驗平都山栢枯二十年矣阿氣再榮凡四赴召命靈跡甚著隆興中遊天台會康壽殿產靈芝遣兩府傳宣撫問於天台山賜沉香二百兩至乾道初方遊武當後還青城拱手垂足坐繩牀而化三

日不斂將窆天燈下燭僊鶴盤旋

陳景元

字大靈號碧虛子遊天台遇張無夢授秘術宋神宗詔開講賜左右街道錄及

師號所居以道儒醫書為齋館而區別之所役二奴曰黃精枸杞馴而不狡王安石王球直與之遊善正書祖述樂毅論黃庭經下逮歐陽詢化度寺碑年七十沐浴改衣作韻語云昔之委和今之蛻質非化非生復吾真宅長嘯一聲正坐而逝所著道德經註老氏藏室纂微莊子註高士傳百卷大洞經集註度人經傳文集二十卷

張契真

字齊一錢塘人也性沉默聲利不容於

赤城時朱天師居天台目而噐之以其有青骨方瞳度為道士又授正一盟威靈寶法錄於樊先生由是紫蓋玉笈之書無不歷覽名振江湖錢忠懿王俾捨三錄齋事宋太宗命

醮賜紫衣已命刊正道書賜號元靜大師真
宗景德三年正月十一日夜髣髴見朱衣吏
持符而至曰奉命張契真宜速淨穢往彼
事二十三曰沐浴訖泊然返真翼日迂神肢
體柔軟流汗被面火化得青黑色珠步
虛經云舍利耀金姿龍駕欵來迎是也

毛洞元 不知何許人隱蓮華峯
石湖范叅政有詩贈之

張雲友 邑人元明宮道士白玉蟾以其有僊風
道骨勸往瓊臺卓菴張亦師事玉蟾得

祝通玄 桐栢觀道士專事修煉所
著修真詩五首在桐栢觀

元王中立 邑人字定民號足菴為桐栢觀道士
母初生時夜夢乘白鶴者止于庭生

而好清淨讀書穎悟住持杭之西太一宮潛
心教典未理宗朝寵錫優渥元賜仁靖純素

真人有語錄藏于桐栢宮史孝祥為之序

曹汝師 居溪南大路旁曰大路曹氏其族元季
嘗繁衍焉汝師壯年為狼婦所惑去桐

栢觀為道士三年無所得乃往謁張真人盡
通其法回至杭適大旱禱雨無應汝師書片

紙粘背上曰雨出賣官問之命往吳山行事
用一大甕盛水燒磚投其中青天轟雷一聲

四神將立左右曰上蒼主旱雨不可求汝師
曰權借太湖三尺水須臾陰雲四合黑霧漫

空大雨如注平地尺餘頃之開霽視簷下水
悉有鮮魚蒞草太湖果乾三尺諸司厚祝皆

不受居家除淫祠伐妖樹滅邪魔救疾苦禱
雨祈晴厥應如響年七十餘終今有汝師藥

焉

天台山方外志卷第十

隱士考第十一



台州古屬越地。自漢萌芽。僅號東南一尉。後漢始稱縣。吳始稱郡。即自唐以前。頗號僻左。為天下者。戰爭所不取。干戈所不及。矧山水幽清。林木深邃。人烟僻絕。僊聖幽棲。以故避世無悶之士。不事王侯之賓。或梯山航海。以孤征。或挈家携朋而至。止飲啄林泉。棲遲人外。涉言本所不聞。何須洗耳。烟霞終日。屬目故自陶情。然有天

地閉塞時命大謬而隱者有刻意尚行離世異俗而隱者始晦終顯雖自繫乎人情遠志小草亦難逃於物論噫世稱高士所以不多指也

隱士

漢高察

隱居佛隴之北白沙之西有坡陀小嶺至今呼為察嶺見神邕山圖

晉褚世標

義寧中隱士曇猷身留赤城山室顏貌如生平而舉體綠色世標登山獨

得見之他欲觀者輒為雲霧所蔽則知標亦有道士也

齊顧歡

鹽官人字景怡年二十隱居天台開館授徒母

劬勞輒執書勸其學者瘵蓼我篇台人或疫以問歡歡曰汝家有書否荅曰止有孝經

三章歡曰此益善可取仲尼章置枕上如言果寤人問其故曰善讓惡正勝邪此所以嗟高帝累召不起詳見赤城志及本傳

杜京產

鹽官人顧歡招之同隱歡舉今招隱峯是其遺跡

褚伯玉

字元璩錢塘人少有隱操居瀑布山三

十年初伯玉家為娶婦乘車入門伯玉踰墻而去見僊苑編珠高帝詔不起勅於刻白石山立太館舍之徐靈府山記又云居桐

柏觀小嶺年百歲餘未知孰是

梁庾肩吾

字子真新野人信之父隱居天台故其所著哀江南賦題曰少微真人天

台逸民見一統志

唐張漬

天台隱士喻鳧贈詩有道高天子問名重四方招之句玉正白集亦有憶台州

張處士詩

鄭隱君

白居易有贈天台鄭隱君詩

五代鍾隱

字晦叔天台人少清悟不嬰俗事好肥遁自處嘗卜居閑曠結茅屋以養

怡和之氣好畫花竹禽鳥以自娛精絕時無倫擬者

宋賈嗣業

字元濟篤厚長者朋友有不善者必私戒之嘗以舍汰貢試而正貢者以

小對有礙次當嗣業久之貢者不行人謂嗣業何不治裝乃笑曰貢小事也彼已編謝州

縣親識我可奪之耶往見貢者勸之行嗣業卒不貢隱居讀書子偉孫涉大顯

周敬孫

天台人師事金華王栢受性理之學嘗著易象占尚書補遺春秋卦例遊太學

仕不

曹淇

字元圭號霞寓翁與郡人楊珏陳天瑞車若水黃超然為友倡明正學於上蔡書院

台之儒風一時為盛有訓兒錄藏于家

王賁

字蘊古介持有守鄉俗化之王實翁劔上蔡書院賁具古冠服來謁及魯齋歸乃敦

請代領其事既卒無以殮門人爭經理其喪至葬道有兩岐一大而遠一狹而近門人請

其婦婦曰先夫平日不肯由徑不可違其志聞者嘆曰有是婦哉君之德益彰矣

陳休

臨海人太學進士隱桐栢山養母自號休休子撰桐栢觀莊田記

孫巖

同陳休隱居桐栢山號雲壑布衣徐竹溪大受有詩贈之

鮑巖

天台居士撰重修老君廟記

元楊叔和

幼度弟渙獵諸史好禮賢士宋末元人逮宋諸王孫甚棘趙文敏公孟頫

聞其名而避兵焉乃館而庇之後謝書云向時託庇萬間獲殘喘以有今日何刻敢忘叔高令兄想益康健見停雲帖及程篁墩吳匏菴文集

杜本

字伯原其先居京兆後徙天台為人湛靜寡欲與人交尤篤於義天文地理律曆度

數靡不通究尤工篆隸所著有四經表義六書通編十原等書學者稱為清碧先生至正三年右丞相脫脫以隱士薦召為國史編修稱疾固辭致書于丞相曰以萬事合為一理以萬民合為一心以千載合為一日以四海合為一家則可言制禮作樂而躋五帝三王之盛矣遂不行卒年七十五

舒岳祥

天台人以文學師表一代奉化戴表元從之受業大德間表元為東南大家祥

竟不顯

陶宗儀

字九成天台人博物洽聞明於處世至

食雅好著述雖在畎畝恒以筆硯自隨嘗預置一甕于牖間遇有所得輒書以投其中久之取次成帙名南村輟耕錄行於世

於谷遂

治書其學出於黃巖車若水

許嗣

字繼可號得靜山人善吟咏有詩集藏于家黃縉序謂清高而不失之迂平實而不

近乎理

曹文炳

字君煥號霞間老人篤厚任真不事表暴邑令倖復以儒學訓導薦之不肯就

年七十以壽終有霞間藁藏于家

曹文晦

字輝伯君煥弟少從兄學穎悟多識而雅尚蕭散好以吟咏陶寫性情時勤邑

尹許廣大以其縣之儒學教諭薦遣使致聘
辭不赴築室讀書號新山道人
有詩藁藏于家
詩在元台人特為首稱
大有情致夏赤城序其藁

曹一介字筠軒東林人讀書博古好義輕財鄉人尊之有友竹藁藏于家

聞達廙太坊人字子和弟達願字子齊俱通書經子和能醫好賓客時秘書少監泰不

弟辭不赴終于家
華以長山教諭薦兄

丁夢松字仁仲通書史大義性耿直不能曲意狗物家業頗裕至正丙申值旱荒濟窘

乏者數十家葬俗喪者六嫁孫
女二方谷珍強為偽官飲藥卒

曹榕字懋夫君煥子因繼周姓居烏崗為人儻有大志詩書子史皆究其源委善吟咏

號為烏崗居士
有詩集藏于家

江譽生字本真居大豁山下隱居教授性簡率不事修飾能急于義其姑嫁周氏遭大

疫家人逃避本真獨往視供湯藥經二旬病愈始已其行義類如此嘗扁其所居室曰采薇山舍所為詩文失傳

奚國賢字彥光靈溪人明易經教授鄉里性純謹言若不出口蚤喪父事母竭產奉養

絕利欲甘淡泊時值驛騷杜門不出布衣蔬食晏如也自號虛白山人以壽終所著詩文

有溪齋墨藁藏于家

聞集大弟雋大俱以詩名見新山藁

潘和道名順藏性穎悟行剛善吟咏知兵事劉基薦之以疾辭遁萃頂峯捐資建寺築

雲山一覽亭以自適
有竹坡藁藏于家

國朝周應顯 字伯煥 歡谷人 自號靈墟山人 善吟咏 放情山水 其父為人所害 散

財復讐 方正學作復讐序 洪武中薦不起 有靈墟集 藏于家

嚴良 字止山 治書性淳 村有守 至元間屢舉 不起 開館授徒 洪武中以壽終于家

楊偉生 名公俊 繼可從子 性溫厚 讀書尚義 其子姪承家教 皆登顯宦 晚年退居築圃

植花號老圃 宋學士景濂為記 翰苑桂彥良 諸名公皆作詩文 寄贈其自有詩藁 藏于家

名老圃集

秦允之 字明遠 弟光啓 字清遠 人物修偉 雅尚 儒術 初聚居縣郭 元丙申 罹寇燹 後明

遠徙居虎蹲巖 清遠折居王湖 去母十里 許 扁其居曰步望 事親克孝 母寡居屏去簪珥

不御 惟戴栝葉一枝 母亡種栝成 林以表其思 因名其地為栝谷

夏應剛 字伯忠 事親至孝 洪武間 辟不起 見檢討 遂行狀

嚴貞可 隱居教授 嘗辭徵辟 鄉人敬 之 年踰大耋 以終 祀鄉賢

曹宜約 字以禮 年四十始知讀書 繹義理 有古 人風 致自邑大夫 以下無弗禮重 嘗修

天台志 藏于家

丁彥俊 名天良 性穎悟 不事表暴 放情山水 間 以琴書自娛 與葉允諸君為友 允上一

綱三目於金陵 彥俊餞之 謂曰 宋儒以三傑 四皓未若董公為至 人世謂允決志弗仕 實

彥俊一言贊之

趙同條 字克楊 性簡重 不妄與人 薦精理 學兼通術 數善咏 自號霞城病叟

嚴漢英 能詩 號 樵雲

賈富字守信隱居授徒夏都憲墳其弟也

魯崇吉名昇魯都憲穆之長子性資渾厚有長者之風六經子史靡不淹貫而尤精于

詩百家技藝莫不講求而尤工于琴自號養性先生

陳宏字廷受號竹窓善吟咏有詩載赤城集

夏智字大慧工詩文德學重于鄉天順間本府舉修實錄須知獨稱耆儒有松隱集

許載字崇厚號墨湖居士善詩有梅庄十詠傳于世

賈恒字一之號白齋工于詩有白齋藁藏于家

王宗元字子春玩味五經究濂洛諸書尤精理數之學學校孔天胤造其間題曰園林

貞素所著有定性書洪範數西軒藁祀鄉賢

賀允中字子忱上蔡人叅政紹興初寓居萬年寺西後徙臨海宅墓在縣東一都

趙士侗宋宗室周王玄儼玄孫魯安郡王仲銘之子南渡寓天台子不悖孫善恢俱襲

修武爵曾孫汝涇登第

趙不柔字正之安康郡王之子每悼其父死請康之難不樂仕進秦檜當國招之不出

官承議判潮州紹興初避地天台

李彙字推之覃懷人紹興九年判台州因寓家于此嘗撰九天僕射祠記

汪藻字彥章新安人官翰林顯謨閣學士建炎中避地天台有道中詩見天台續集有浮

溪集行于世

王銍字性之汝陰人自號雪溪居士官樞密院編修獲罪秦相避地天台有文集行于世

陸淞

字子逸會稽人左丞相佃之孫紹興間建秘書閣省淞與校勘之宰天台遂家焉有

樂府集
行于世

季可

字思可龍泉人寶祐進士遷戶部侍郎退居天台作堂雷馬山讀書號隱怪有文集

元孔吉祥

為本縣僧綱因寓家焉子安曾登第

下元吉

河西唐兀氏為吉祥贅婿寓家天台鄉試副榜舉人任慶元路翁州書院山長

入皇朝以故官起授

泰不華

白野人父塔不台為台州錄事判官遂居于天台不華家貧好讀書年十七鄉

試第一中進士累官禮部尚書後招捕方國珍遇害華為人尚氣節不隨俗浮沉善篆隸嘗重復古編攷

正訛字見統志

僑寓

梁沈約

字休文陳時征虜將軍永平中棄官乞為道士來懋桐栢見剡縣金庭觀石刻

唐王展

不知何所人寓天台項斯有懷王展詩云赤城山下寺無計得相隨嘗撰白郎

巖記

項斯

字子遷江東人會昌中進士為丹徒尉清奇雅正尤工於詩楊敬之嘗贈詩云幾度

見詩詩總好及觀標格勝于詩平生不解藏人善到處逢人說項斯後遊天台因家焉

曹唐

不知何許人字堯賓寓天台以能詩名後為荆湘從事賦飛源詩贈炙人口

周朴

泉州人寓天台後黃巢亂不屈歿

奚承芳

寧國人父敬章咸通間刺台州後承芳襲父爵天祐中未梁革命棄職寓居邑

之靈

溪

宋成大亨

字正仲河間人元符三年官左朝散大夫直秘閣紹興初寓天台

桑莊

字公肅高郵人官知郴州紹興初寓天台有茹芝廣覽三百卷藏于家

錢徽之

錢塘人忠肅公錢端禮從弟官朝議大夫知崇慶府紹興初父稔守台州因寓

天台

錢厚之

字德載錢塘人忠懿王之孫罷邑暨陽築室大隱峯下王銍為記

曹勛

字功顯汴梁人官節度使紹興間奉詔詣金迎徽廟梓宮太母竣事言還乞身奉祠

諡忠靖提舉桐栢崇道壽昌觀因寓天台

范宗尹

襄陽人高宗時累官右僕射出知溫州退居天台

神明考第十二

夫神之為言伸也鬼之為言歸也人死精神不

磨伸者為神屈者為鬼儒者云鬼神者二氣之

良能非關人死為之佛說陰陽二氣之間六道

輪迴不息今之為人矣安知死而不為天為鬼

為畜為獄乎今之為神矣安知死而不為天為

人乎蓋形有聚散識無泯滅隨業播遷初無定

體又微妙不測之謂神此又六道中至靈者之

總稱如曰人神天神龍神以至畜類亦有至神

之不可測者。若天台山君德之神也。關聖真君
天之神也。惠澤龍王龍之神也。餘以類推。以至
事事物物皆有主執之神。如華嚴經說主山神
主海神。泉源河沼等神。皆入不思議解脫法門。
此又神之至神。所謂菩薩神佛神者也。天台山
神祀舊志所稱至夥。不無邪正之淆。孔子曰非
其鬼祭之諂也。今之所取。但典實可稽及效靈
於伽藍福地者而已。余非神人。又烏能盡知所
祀者邪耶正耶有耶無耶。

護汰伽藍

玄弼真君

周王喬字子晉靈王太子事見神僊考五代時封玄弼真君宋政和三年

封玄應真人掌吳越水火既為吳越土地之主故台之屬郡梵宇皆嚴事之以為護伽藍

神今畧錄靈異事蹟以彰崇事非虛

一晉曇猷尊者初到石橋思欲度方廣見一人龐眉皓髮問師所之師具荅意老人曰君

生灰身何可得去吾是山神故相告爾師乃退

靈異錄

一後唐同光中時夏亢陽福田寺住僧告從禮禪師曰將營羅漢齋柰何園蔬枯悴請闍黎為祈禱禮曰但焚香於真君時主事向僊祠而呪曰上座要雨以滋枯悴至夜雲起雨霏三日而止又僧厨闕用水槽山上有赤樹中用來白於禮禮曰某向真君道去但庀徒

具器以伺之無何大風卒起曳仆其樹

一五代時玄弼真君見夢於僧曰韶國師是智者起汰堂都料螺溪淨光大師是放生會

晉堂中眾僧是所放奠二師口義

一宋元祐初永嘉忠法師遣門人掃荆溪大師塔草棘荒蕪不能辯即案梁氏碑去大師

瑩兆百步尋識之其龕已空唯乳香一塊耳夜夢玄弼真君謂曰昨者天神遣多人取全身去也不須

猶豫荆溪傳

傳燈述曰周靈王太子晉生為神僊歿而魂為大台山神掌吳越水火司命一方又能發

依三寶作蘭若護法之主靈應事蹟可考與藉者五其陰翊顯佑神妙不測則無處而不

顯無時而不任又不啻如此故台山僧寺凡為民間之侵渙者而山神輒能致禍台民以

此為戒而卒不敢妄為既其有功德於伽藍福地若此而叢林之嚴祀虔奉宜矣

關王菩薩

玉泉碑云天台大師初至荆州當陽縣玉泉山望沮漳山色堆藍欲卜請

以為道場意嫌迫隘遂上金龍池北百餘步有一大木婆娑偃蓋中虛如庵乃於其處入

定一日天地晦暝風雨號怒妖恠殊形倏忽千變有巨鱗長十餘丈張口內向陰魔列陣

砲矢如雨經一七日了無懼色師憫之曰汝所為者生歿眾業貪着餘福不自悲悔言訖

眾妖俱滅其夕雲開月明見二人威儀如王長者美髯而豐厚少者冠帽而秀發前致敬

曰予即關羽漢末紛亂九州辰裂曹操不仁孫權自保予義臣蜀漢期復帝室時事相違

有志不遂歿有餘烈得王此山大德聖師何枉神足師曰欲於此地建立道場以報生身

之德耳神曰願哀憫我愚特垂攝受此去一舍山如覆船其土深厚弟子當與子平建寺

化供護持佛法願師安禪七日以須其成師
既出定見秋潭千尺化為平址棟宇煥麗巧
奪人目神運鬼工其速若是師領眾入居書
夜演法一日神白師曰弟子今日獲聞出世
間法願洗心易念求受皈依戒永為菩提之本
師即秉爐授以五戒於是凡台教伽藍莫不
祀為護
法之神

傳燈述曰按三國志通俗演義謂關公之靈
師於玉泉山會靜禪師余竊原之其謬有於
三蓋佛法自漢明帝時始入震旦國當時惟
長安稍習之吳之闕澤僅能言之而蜀之君
臣皆不知有佛教而云關聖與會靜為鄉人
久習知之其謬一也玉泉有寺始於智者隋
文帝賜額舊為一音改為玉泉故知三國時
無玉泉寺而云於玉泉山師會靜其謬二也
既有此僧為關聖所歸必道德隆厚古今傳
聞今遍考僧傳不見所載其謬三也况三國

志傳元無此說蓋野史小說多好為附會其
有闕聖歸依盛事既不可以隋朝之智者以
預三國之時事故以晉易智以靜易顛蓋天
台大師諱智顛顛即靜義故也畧錄靈異事
蹟以彰神
之景貺

一百松先師於嘉靖甲子先一年欲往化台
南舟次於越夢關王告曰師緣未至宜速返
次日果罹喉疾而歸至次年台州道俗請師
建講師以前夢不欲行夜復夢王問曰緣今
已至請師行吾當護師由是台南一
境望風服化馮司成撰百松塔銘

一萬曆五年月亭大師講華嚴疏鈔於黃巖
之大中菴先演玄談至判教與台宗稍有相
忤茶頭僧圓隴見關王於茶鐺中舞大刀躍
怒而出須臾講堂俱成煨燼虞職方楞嚴玄

序義

一象先泐師因訪鹽官遺蹟駐錫覺皇俄邁
重疾將不起恍見雲長公授以良劑語之曰
汝至人也請廣玄規
以醒末俗病尋愈

龍神

惠澤龍君

舊名惠濟在石梁之下其龍甚靈每
遇歲旱致禱就曇花亭行禮從高俯
瞰有乖肅敬宋嘉泰元年邑令丁大榮建仁
真亭於潭側以為祈禱之所是年五月旱禱
有異龜出現其雨均洽遂上其事賜龍君額
曰惠澤祠四年忽潭水湧出金銀藏錢圓徑
六寸文曰太平通寶實宋太宗賜以資予道
者自詢者也僧徒分攬則青蛇驅逐樵牧探
取則墜石塞穴乃白于
縣命之還潭俞建有記

靈澤孚濟龍候

蒼山靈澤潭在縣東四十里第
五都三潭列其下深廣瑩徹其

龍最靈嘉泰元年禱雨見異龍遂得雨縣上
于朝賜龍君額曰靈澤景定間旱禱輒應封

靈澤孚濟候

河胤潭龍君

在縣西七十里三十六都其山高
峻朝暮上下雲雨靈應甚多人敬

之事

百丈潭龍君

在瓊臺雙闕間翠蔓蒙絡水聲深
然盤澗繞麓出為靈溪其龍甚靈

石埠潭龍君

在縣東五十里四都靈澤轉東十
里許小溪亂石中停膏蓄黛水深

無底其龍
眇靈澤

瀑布潭龍君

在縣西南三十里二十三
都無相院側一名戲龍

蟹渚潭龍君

在縣東南十里八都響巖上
其中有禱輒響應今久湮沒

巧尖潭龍君 在縣南十五里一十二都其龍最靈

繫船巖龍君 在螺溪之上有龍居之禱輒響應

葛閩龍君 在長壽寺前山下有龍君祠禱即響應

土谷神祇

常卿山神 廟在縣北六里十二都臥佛巖側祀有僧曇猷晉太元中居赤城巖室屢遣虎狼怖之猷自若一日神告曰汰師威德嚴重願推此相奉弟子更卜所托猷曰君何人居此欲移何處曰弟子夏帝之子名朱欽正居此二千餘年今章安縣寒石山是家舅所治且往寄憇臨去遺香三奩鳴鞞鼓角而去圖經云號登壇大神今臥佛側亦有祠焉歲久廟廢後乃續附今徙赤城寺中廟基五百大神

居之亦號赤城名廟神最靈遇旱官民祈禱能致雲雨今廟存焉按此則常卿山神五百天神也

五百大神 前見

白鶴大帝 廟在縣北二里九都俗名白鶴廟舊傳石間有巨墳鄉人神之遂立廟奉

本郡靈康顯佑廣惠威烈王宋閣學之瑞宋公記今亡紹興四年縣令潘晉孫命子繼先篆神蹟石三字為碑台之境內在處有祠祠之顯靈莫如本邑祀下朱葉二神亦多號靈

按赤城志白鶴山祠東漢趙炳炳東陽人能越方善呪禁與閩人徐登遇于烏傷溪上各試其術以起人疾登死炳入章安神幻事甚衆為章安令華表所害世傳其屍沂流至于臨海東南二十里白鶴山故祠之以登侑食

宋屢賜封號元泰間易封顯靈忠烈昭德仁

濟王宋慈雲大師王東掖山有白鶴廟居民甚神之師與授戒改祭為齋神與居民皆聽命焉乃為著野廟誌以戒之至今台民饗白鶴皆以蔬麵蓋始于此

三王

謂夏禹王白王響王宋賈觀察自越奉夏禹王香火擬祠石壁嶺上俄風雨雷電大作因移松溪建廟後賈秘書又于越奉白王響王焉白王乃隋煬帝子封于白故名響王乃會稽山土神

平水大王

西晉周清以行賈往來台溫俗呼周七郎娶臨海林氏女俄乘杵化龍與女皆不見後有人遇之于彭公嶼者宋祥符九年以顯異于溫錫封為平水大王

劉將軍

晉黎護將軍劉玄捨宅為闡太寺寺徙溪南後人即其舊址立祠以祀

梁昭明太子

廟在縣一百一十里三十七都輔龍山神即梁太子統頗着靈異案

姜僊翁

舊志梁太清末候景作亂陳霸先兵起統避地至此後人祀之因以得名舊志吳時有姜姓者名綱三能致雲雨

亞父僊王

舊志有神夕自海乘石船至土人聞如萬騎之聲黎明視之見石船在山腰有石帽覆一銅像遂立祠祀之祈禱甚靈驗廟在縣西南八十里三十三都

應澤明王

神名江白郎唐長慶間縣令白余豐祈雨靈應進士王展作記五代周顯德間賜今封宣和二年重新廟貌在縣西北三十里十四都

護國感應顯慶王

廟在縣西二十里十三都宋乾道八年建元朝受封

支明夫人

廟在石壁嶺東周顯德二年建神本嬾人曩常見恠配以支明龍王遂釋

孚濟王

廟在明巖山宋宣和間建初鄉人定基于濟溪黎明將建一夜為蟻移木于其

地衆異之遂建廟因名蟻慕廟

廣濟王

廟在縣西五十里三十一都涓溪先生厲仲亨景德中遊學古汴奉香火祀之

周神

周凱字公武世居臨海之橫陽生而雄偉身長八尺餘髮垂至地喜擊劍能左右射

博聞強記躬耕以養父母與陸機兄弟入洛張華薦之凱知晉室將亂獨辭不就永康中

三江逆流邑將陸沉凱援弓發矢衝潮而入水忽裂開電光中見凱乘白龍東去光化末

天台大饑凱化形為商載米貸人已而投杖於江變成赤龍騎而昇天

岳武穆王

岳飛字鵬舉力戰圖復中原秦檜三和議促召班師其部曲自相攻發矯

詔殺飛父子飛死為神居天台第一峯擒檜受諸苦楚楊維禎樂府詩云生兮人之英死

今厲之靈萬八千丈兮華之頂帝命我兮司陰刑

花神

杜鵑花之神也外國僧自天台鉢盂中以藥養其根來種鶴林人或窺見女子紅裳

艷麗遊於樹下殷七七能開非時之花女子謂七七曰欲開此花乎吾為上帝所命下司

此花在人間已逾百年非久即歸閨苑去今與道者共開之來日花果盛開如春夏間數

日花俄不見亦無落花在地

國漢詩堂
天台縣志卷之四



